

2019. Ordenantza fiskalak. Behin betiko onarpena 2018ko urriaren 23an izandako Bermeoko Udaleko Osoko Bilkuran BAO 2018/12/14. 240. zk.

ORDENANTZA FISKALA, IBILGAILUAK ESPALOIETATIK SARTU, BIDE PUBLIKOAN APARKATZEKO ERRESERBEA EGIN ETA EDOZEIN ERATAKO SALGAIEN ZAMALANAK EGITEAGAITIK ORDAINDU BEHARREKO TASEA ARAUTZEN DAUENA

1. artikulua: KONTZEPTUA.

Tokiko Araubidearen Oinarriak arautzen dauzan apirilaren 2ko 7/1985 legearen 106. artikulua emondako ahalmenak erabilteko eta Tokiko Ogasunen abenduaren 16ko 9/2005 Foru Arauaren 21. artikuluan ezarritakoagaz bat etorrira, herri jabariaren erabilera pribatiboaren edo aprobetxamendu bereziaren tasea ezarri da, ibilgailuak espaloietatik sartu, bide publikoan aparkatzeko erreserba egin eta edozein eratako salgaien zamalanak egiteak dakarrena hain zuzen be.

2. artikulua: EGITATE EZARGARRIA

Ibilgailuak espaloietatik pasatzeak, bide publikoan aparkatzeko erreserbak eta edozein eratako salgaien zamalanek dakarren herri jabariaren erabilera pribatiboaren edo aprobetxamendu berezia da tasaren egitatea.

3. artikulua: SUBJEKTU PASIBOAK

1- Orokorrean lizentziak edo emakidak jasotzen dabean eta aprobetxamenduen onuradunak diran pertsonak edota erakundeak dira subjektu pasiboak.

2- Ibilgailuetarako sarbideak eginik, espaloiak modu pribatiboan erabiltzeagatik edo bereziki aprobetxatzeagatik ezarritako tasan, ibilgailuen sarbide horreek daukiezan finka eta lokalen jabeak izango dira ordezeko subjektu pasiboak.

Horregaitik pasabide lizentzia eskatzean higiezinaren jabea nor dan be izen-abizen, NAN eta helbideagaz identifikatuta deklaratu beharko dau eskatzaileak, horrela egin ezean ez da bideratuko lizentzia eskaria.

4. artikulua: SORTZAPENA.

Ordenantza honetan araututako tasea ordaindu beharra kasu honeetan sortzen da:

a) Bide publikoko aprobetxamendu barriak emoten badira, lizentzia emoten danean.

b) Pasabide lizentzia bako espaloien edo oinezko gunetako aprobetxamendua dagoanean, aprobetxamendua egon dagoala egiaztatzen danean.

c) Lizentzia emon ezkerro edo egiaztatutako aprobetxamenduak jarraitu ezkerro, bajarik eskatzen ez dan arte, hurrengo urte natural bakoxtaren lehengo egunean.

5. artikulua: TASA KUOTEA

Ondoren ezarritako aprobetxamendu muetaren arabera finkatuko da tasa kuotea eta ezingo da murriztu ezarritako luzera eta denboran, ez bada alta eta baja kasuan.

	2019 (€)
1.- Ibilgailuak espaloietatik sartzea, metro lineal bakoxteko edo zatika, urtean:	
1.1.-Ibilgailua eraikinetan sartzea, ibilgailuak gordetzeko sarreren aurreko bide publikoan ibilgailuak aparkatzeko debekuagaz, beti be lizentziak iraunkorrek badira:	
1.1.1.- Hiru ibilgailu edo gehiago hartzeko moduko lokalak edo 60m2 baino gehiago daukanak	54,16
1.1.2.- Jaubeen alkartekoek bakarrik erabilteko garajea	48,06
1.1.3.- Bi ibilgailu sartzen diranean edo lokalak 40 m2 eta 60 m2 bitarteko azalera daukanean	36,10
1.1.4.- Ibilgailu bat sartzeko lizentziadunak	18,05
1.2.- Ibilgailuak eraikinetan sartzea lokalak 60 m2 baino gitxiago daukanean eta bat edo bi ibilgailu bakarrik gordeteko kapazidatea daukanean	27,01
1.3.- Ibilgailua eraikinetan sartzea, ibilgailuak gordetzeko sarreren aurreko bide publikoan ibilgailuak aparkatzeko debekuagaz, beti be lizentziak aldi baterakoak badira	54,16
1.4.- Edozein dala jabea ibilgailua eraikinetan sartzea, ibilgailuak gordetzeko sarreren aurreko bide publikoan ibilgailuak aparkatzeko debeku barik, lokalak hiru ibilgailu edo gehiago hartzeko modukoa danean edo 60m2 baino gehiago daukanean	43,41
2.- Bide publikoko aprobetxamendu erreserba bakoxteko, urtean:	
2.1.- Bide publikoa taxi geltokirako erreserbatzea	109,68
2.2.- Bide publikoa autobus geltokirako erreserba bakoxta	390,32
2.3.- Bide publikoa aparkaleku eskusiborako erreserbatzea	52,87

6. artikulua. KITAPENA

1- Lizentzia edo baimena emotean eskari datari jagokon hiruhileko naturala kontutan izanda, hori barne, urteko kuota lainduta kitapen zuzena egingo da.

2- Hurrengo urteetarako, baja eskatzen ez dan arte, erroldan sartuta errezibozko kitapenak egingo dira.

3- Baja eskariaren aurrean, eskari datari jagokon hiruhileko naturala kontutan izanda, hori barne, urteko kuota lainduko da. Errolda kaleratuta egon ezker, jagokon itzulketa egingo jako subjektu pasiboari.

4- Lizentzia edota baimen egoki barik egindako aprobetxamenduaren aurrean, zuzeneko kitapena egingo da ikuskapen edo salaketearen espedienteen jasotako datuen arabera, kuota laintzeko ikuskapen edo salaketearen data kontutan izanda. Eta, hurrengo urterako erroldan sartuko da.

XEDAPEN IRAGANKORRA

2015. urteko Pasabide eta espaloien errolda

2015. urterako erroldako zordun guztiak ez dira subjektu pasiboak izan behar daben higiezinetakoko jabeak. Beraz guztiei jakinarazo behar jake ordenantzaren aldaketaren ondorioa eta jabeak nortzuk diran zehaztu, zuzendu eta abar.

2015. urterako onartutako tributu egutegian ekainaren 1ean egin behar da errolda. Ordenantzaren aldaketa indarrean sartuta ekainaren 1erako jabeak zehazteko eta zuzenketa guztiak egiteko astirik ez da egongo. Beraz, Errenta Saila lana egiten berehala astearen kalte barik, 2015eko erroldako danak ez dira izango higiezinen jabeak.

AZKEN XEDAPENA

Ordenantza hau 2015eko martxoaren 4an egindako Osoko Bilkuran onetsi eban Udaltzako. 2015eko martxoaren 23an argitaratu zan BA0ren 55. alean eta alegazinarik ez aurkeztean 2015eko maiatzaren 4an sartu zan indarrean